



KO TE

KAHITI O NIU TIRENI.

HE MEA TA I RUNGA I TE MANA O TE KAWANATANGA.

[MOTUHAKE.]

PONEKE, MANE, HUNE 10, 1912.

Huihuinga o te Runanga Nui ki te Whakahaere i nga Tikanga o te Paremete.

ISLINGTON, Kawana.

Ki nga MEMA o TE RUNANGA KAUNIHERA o te Tominiona o Niu TIRENI me nga MEMA i pootitia kia tu ki roto ki te WHARE MO NGA MANGAI o TE IWI o taua Tominiona, i karangatia nei kia tae mai ki te Huihuinga o te Runanga Nui o taua Tominiona, kia tu ki te Taone o Poneke a te rua tekau ma whitu o nga ra o Hune, kotahi mano e iwa rau kotahi tekau ma rua, ki ia tangata o koutou: TENA RA KOUTOU KATOA.

HE PANUITANGA.

NOTE MEA e tu ana ko te Taite te rua tekau ma whitu o nga ra o Hune, kotahi mano e iwa rau kotahi tekau ma rua, te ra i whakaritea hei Huinga mo te Runanga Nui: Heoi ra, ko taku kupu atu tenei ki a koutou katoa, ki era atu tangata hoki e mea ana kia rongo ratou i tenei korero, hei taua ra, ara, hei te Taite, te rua tekau ma whitu o nga ra o Hune, kotahi mano e iwa rau kotahi tekau ma rua, i te hawhepaahi i te rua o nga haora i te awatea, e tae tinana mai ai koutou, ki te Whakahaere i nga Tikanga o te Paremete, ki nga Whare Paremete, i Poene Tiriti, i te Taone o Poneke, ki reira whiriwhiri ai i nga ritenga me nga mea hei painga mo taua Tominiona o Niu Tireni, whakahaere ai hoki i nga mea e kitea ana e tika ana.

He mea tuku i raro i te ringaringa o His Excellency the Right Honourable John Poynder Dickson-Poynder, Baron Islington, te Kawana me te tino Rangatira o te Tominiona o te Kingi i Niu Tireni me nga motu kei raro i te mana o taua Tominiona; he mea whakaputa i te Whare o te Kawana, i Poneke, i raro i te Hiiri o taua Tominiona, i tenei te waru o nga ra o Hune, i te tau o to tatou Ariki kotahi mano e iwa rau kotahi tekau ma rua.

THOMAS MACKENZIE.

E TE ATUA TOHUNGIA TE KINGI!